

www.BibleForChildren.org

Mātiu 8




Pea 'i tonono tolu 'o te 'ahó ne'e fai ai he kātōanga mali
'i Kena 'i Kāleli; pea ne'e 'i ai te fa'ē 'a Sīsuú. Pea
ne'e tala foki te ta'ané kiā Sīsū, mo Tana kau akó.



Pea 'i te maha 'ia te uainé, ne'e lea kiā Sīsū 'e Tana fa'eé, “Oku kala he notou uaine.” Pea iange 'e Tana fa'eé ki te kau ngāué, “Ko te ā pē he me'a 'e iatu 'e la ke kotou faí, fai leva.”



Pea folafola 'e Sīsū kiā nātou, “Kotou fakafonu vai 'ia te 'ū hiná.” Pea notou fakafonu vai 'ia te 'ū hiná 'o fonu lelei. Pea iange 'e Ia kiā nātou, “Fakatau leva, pea 'ave ki te 'aliki 'o te kātoangá.” Pea notou 'ave.



Pea 'i te kamata 'e te 'aliki 'o te kātōangá ki te vai kua hoko 'o uainé, kae kailoa 'ilo'i 'e ia pē ne 'aumaí mei fea, (kā ne 'ilo'i pē 'e te kau sevānití, 'ā ē ne'e notou fakatau 'ia te vaí) pea ui ange 'e te 'aliki 'o te kātōangá 'ia te 'aliki ta'ané, 'o iange, . . .



. . . “Ko te anga 'o te tangatá ke fu'aki 'aumi te uaine leleí, pea kā konā leva 'ia te kakaí, pea toki 'aumi te uaine kovi; kā ko koe kua ke ta'ofi te uaine leleí ki te taimi nei!”



Ne'e fai 'e Sīsū Tana fu'aki faka'ilonga mana ko 'ení 'i
Kena 'i Kāleli, 'o fakae'a ai 'e la Tono
lāngilangí; pea ne'e tui
pīkitai kiā la Tana kau
akó.



Pea 'i te ulu leva 'ia Sīsū ki te fale 'o
Pitá, ne Ina 'ilo'i atu 'ia te fa'e tona
malí, 'oku takoto, ko te puke 'i te mofí.



Pea ala la ki tonono nimá, pea mahu'i leva te mofí
mei te fafiné, pea tu'u ake ia 'o tauhi kiā la.



Pea 'i te afiafi ifó, kua tō 'ia te la'aá, ne'e notou 'aumai
kiā la 'ia te kakai kotoa pē ne'e puke, mo nātou ne'e
'ulusino ai 'ia te kau
tēvoló. Pea fakataha
mai 'ia te koló kotoa
pē ki te matapā 'o
te falé.



Pea ne'e fakama'uli he tokolahi 'iā nātou ne'e puke 'i te fa'ahinga mahaki kehekehe, mo Ina kapusi he tokolahi 'o te kau tēvoló. Pea ne'e kailoa Ina tuku ke lea 'ia te kau tēvoló, kote'uhí he ne'e notou 'ilo'i la.



Pea feinga 'ia te kakai kotoa pē ke ala kiā Ia, he ne'e 'alu atu meiā Ia he mālohi, 'o fakama'uli 'ia nātou fuli pē.



Pea ōmai he 'ihi kiā la mo he tangata
mamatea, kua fata mai 'e te toko fā.




Pea 'i te kailoa notou lava ke fakaofiofi
'ona kiā Sīsuú, kote'uhí ko te tokolahi 'o
te kakaí, ne'e notou avangi te 'ato
'o te fale ne'e 'i ai lá, pea kua
'a'au kotoa, 'o notou tukutuku
ifo 'ia te moe'anga
ne'e takoto ai 'ia
te mamateá.



Pea 'i te vakai 'e Sīsū ki te notou tuí, ne'e pehē ange
la ki te mamateá, “Toku
foha, kua fakamolemole'i
tau 'ū angahalá.”


“Okou tala'i atu kiā
koe, tu'u, to'o tou
moe'angá, pea
'alu ki tou 'apí.”



Pea kua heka la ki te vaká, pea toki heka mo Tana
kau akó. Pea 'ohovale pē kua tō he
taufa, pea ne'e fakapūlou 'aki
te vaká he 'ū peau; ka
ne'e moe pē la.




Pea iange 'e la kiā natou, “Ia te kau tui vaivai, ko te ā 'oku kotou lotosi'i aí?” Pea toki tu'u la 'o lolomi te matangí mo te taí, pea ne'e hoko he tofu lahi. Pea 'ohovale 'aupito 'ia te kau akó mo notou pehē, “Ko te Tangata ā 'eni? He na'a mo te matangí mo te taí 'oku nā talangafua kiā Ia!”



He ne'e pehē fau te 'ofa 'a te 'Atuá ki māmaní, ko ia ne Ina foaki Tono 'Alo pē tahá, kote'uhí ko ia fuli pē 'oku tui pīkitai kiā lá ke 'aua na'a 'auha, kae ma'u 'ia te ma'uli ta'engatá.



40



60



Loma 3:23

he kua fai angahala kotoa pē, pea 'oku kailoa notou a'usia
'ia te hōifua 'a te 'Atuá,

Loma 6:23

He ko te tokonaki 'a te angahalá ko te mate; kā ko te
me'a'ofa 'a te 'Atuá ko te ma'uli ta'engata, tu'u 'iā Kalaisi
Sīsū ko te tou 'Alikí.

Hepelū 9:27

Pea hangē kua tu'utu'uni ki te kakaí ke mate tā tu'a taha
pē, pea hili iá ko te fakamaaú pē;

'Efesō 2:8,9

He ko te kelesí pē kua kotou ma'uli mei aí, ko te me'a 'i te
kotou tuí; 'io, ne'e kailoa meiā kōtou ia, kā ko te foaki
mei te 'Atuá; ne'e kailoa tupu ia mei te 'ū ngāue,
kote'uhí ke 'aua na'a pōlepole ai he taha.



Loma 10:9,10

Kote'uhí, kāpau 'e ke fakahaa'i 'aki tou ngutú, ko te 'Alikí 'ia Sīsū, pea tui 'aki tou lotó kua fokotu'u 'Ona 'e te 'Atuá mei te pekiá, 'e fakama'uli 'ou. He 'oku fai 'ia te tuí 'aki te lotó ke ma'u 'ia te fakatonuhiá, kā 'oku fai te fakahaá 'aki te ngutú ke ma'u 'ia te fakama'ulí.

Sione 3:16,17

He ne'e pehē fau te 'ofa 'a te 'Atuá ki māmaní, ko ia ne Ina foaki Tono 'Alo pē tahá, kote'uhí ko ia fuli pē 'oku tui pīkitai kiā lá ke 'aua na'a 'auha, kae ma'u 'ia te ma'uli ta'engatá. He ne'e kailoa fekau mai 'e te 'Atuá Tono 'Aló ki māmani ke fakamala'ia 'ia māmani, kā kote'uhí ke ma'uli 'ia māmani 'iā Ia.



1 Sione 5:11-13

Pea ko 'eni ia 'ia te fakamo'oní: kua foaki 'e te 'Atuá kiā tātou te ma'uli ta'engatá, pea ko te ma'uli ko iá 'oku tu'u 'i Tono 'Aló. Ko ia 'oku ma'u 'ia te 'Aló 'oku ina ma'u 'ia te ma'ulí; ko ia 'oku kala ina ma'u 'ia te 'Alo 'o te 'Atuá 'oku kala ina ma'u 'ia te ma'ulí. Ko te 'ū me'a ko 'ení kua u tohi atu kiā kōtou, kote'uhí ke kotou 'ilo'i 'oku kotou ma'u te ma'uli ta'engatá, 'io, 'ia kōtou 'oku tui pīkitai ki te huafa 'o te 'Alo 'o te 'Atuá.



Mātiu 8-9; Ma'ake 1-2, 4; Luke 4, 8; Sione 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Niuafou'ou NT (num) © 2023 Misiona Tonga 'a e Uikilifi
(Wycliffe Tonga Missions)

<https://www.bible.com/en-GB/bible/3675/MAT.1.NIUA>

©2026 Bible for Children, Inc.

www.M1914.org

www.bibleforchildren.org

